



# أنا والحب

\*\*\*\*\*

(( شعر غنائي ))

شعر

\*\*\*\*\*

عصام صابر وكري

عضو جمعية المسرحيين بالثقافة الجماهيرية

تقديم

\*\*\*\*\*

د / احمد محمد عوين

كلية التربية بالعريش





# إهداء

بكل فخر واعتزاز

إلى الدكتور الفاضل / أحمد طاهر

والى شاعر سيناء / حاتم عبد الهادي

مع أرق أمنياتي

عصاه صابر ذكرى



## بداية

أفراحي .. دموعي

بكل ما في قلبي من حب

حرمان .. ألم

وحنان .. وأمل .. لوعة

يجرسي الساكن بقلبي

تلك همساتي بصدق احساسي

الى أجنبي أهاج سناء الحبيبة

مع أرق أمنياتي

عصام صابر ذكرى





## تقديم

لقد التقيت أنا والحب فكان دافعا قويا لى على  
تقديم هذا الديوان ، فقد دفعنى الى هذا حبان:  
الأول حبى لشخص شاعر الأغنية " عصام  
ذكرى " دمث الأخلاق المهذب ، والثانى حبى  
لشعر العامية وشغفى بقراءته على الرغم من  
انشغالى بغيره من الشعر الفصيح فى دراستى  
الأكاديمية ، لكنى أزعم أن اللهجة العامية بل  
اللغة العامية قد تكون أوسع انتشارا وأثرى دلالة  
وأقرب مأخذا ومنا لا من الفصحى فى هذه الأيام  
بما تتيح للمبدع من آفاق رحبة ودلالات متسعة  
الأرجاء فيسبح فى حدائق ألفاظها وأغصان  
تراكيبيها المتعددة حيث يخرج لنا  
معانى فواحة الأريج .

يقدم صديقنا الشاعر الى المتلقى ثلاث عشرة أغنية  
تتنوع موضوعاتها وان كان المنبع واحدا فهي -  
وان تفرعت - يجمعها اطار واحد يللم حبات العقد  
أعني به الحب ، فهو يحب سيناء والفتاة السيناوية ،  
ويحب أمه التي سهرت على تربيته ، حبا طفوا ليا  
برينا بسيطا بساطة لغته وموسيقاه ، ويحب فلسطين  
المغتصبة ، ويهلل لمقدم الربيع بما فيه من خير  
ونماء وجمال وبهاء ، ويحب الحب نفسه أملا أن  
يغمر الكون كله . هذه الموضوعات كلها تبرز ما  
فيها من معان من خلال نظرة ذاتية للأمور تقوِّع  
فيها الشاعر جاعلا أغنياته البوق الذي تنعكس من  
جوفه أصوات دواخله وأحاسيس وجداناته المنبتقة  
عن هذه الثنائية التي تتمثل بين الموجود والممكن أو  
بين الواقع والمأمول . ونستطيع أن نمثل لهذه  
الثنائية في أغنيات الشاعر بصورة الماء الذي  
يصور بجلاء ما عليه الشاعر من اضطراب

وقلق وحرمان من ثم جاء اشتياقه الى الماء الذى  
يغمر معظم صورته ويسبح الشاعر من خلاله كثيراً  
للوصول الى شاطئ المعنى الذى يريد ، فهو موت  
وحياة . إذ نراه باحثاً دوماً عن الماء الذى لا يجده ،  
وإذا ظفر به كان له العبرة التى يختنق بها أو  
القطرة التى يغرق فيها ، فالماء - عنده - سر  
الحياة يسعى اليه ويجد فى طلبه "والورد مشتاق  
محروم عطشان " لكنه على موعد مع قطرات الندى  
لعله يروى ، وفى الوقت نفسه الذى يسعى فيه الى  
الماء ينتظر منه الحياة والرى نجده يغرق داخل  
عيون الحبيبة . ويؤكد هذا الاضطراب والقلق  
اللانهاى أن صديقنا الشاعر فى عمرة فرحته  
باستقبال الربيع يدعو قابه ليغتتم ما فى الربيع من  
خير ورى لأن الشباب سيزول سريعاً ويفنى الجمال  
وشاعرنا - فى ذلك كله - يتكىء على لغة سهلة  
بسيطة لا تعقيد فيها وأقرب ما تكون الى

- لغة الحياة اليومية بل هى لغة الحياة اليومية  
عينها ، وقد تغلب عليها العامية المصرية  
المدنية غير اننا نلمح تسلل بعض الألفاظ التى  
تصدر عن حياته السينائية ، وصوره لطيفة  
بسيطة سهلة قريبة المأخذ تهزمها الفكرة التى  
تشغل ذهنه فى كثير من الأحيان فيعنى بها ويلج  
عليها على حساب تلوين صورته .  
ومع هذا فإن شاعر الأغنية " عصام زكري "   
يبدو شاعرا جياشا مرهف الاحساس جيد التعبير  
من ناحية ، ومن ناحية أخرى يبدو كأنه يرصف  
الكلمات رصفا ليقوم ببناء الأغنية ليس غير ،  
واننى أزعم أن لهذا سببين :  
الأول: أن الشاعر لا يعود الى شعره لينقحه  
فتراه يحشد لنا كل ما كتب دون انتقاء .

والثانى: أنه يلزم نفسه أحياناً كثيرة بقيود  
القافية إذ يجعلها تسيطر عليه وعلى أغنياته على  
الرغم من أنه يخرج عن هذا النظام كثيراً الى  
نظام التزاوج بين الأسطر ، لكنه فى النهاية  
التزام أطلب من شاعرنا أن يتخلص منه ليحرر  
أغنياته ويجعل موسيقاها تنبعث من داخلها لا  
من مؤثرات صوتية تحيط بها من الخارج .  
ومهما يكن من أمر فان شاعر الأغنية "   
عصام ذكرى " شاعر جيد واعد يستطيع التعبير  
عما يريد ببساطة ووضوح يتمشى مع روح  
الأغاني وهدفها الامتاعى ، ونحن فى النهاية  
نتمنى أن يزيدنا الشاعر ويزيد المتلقى أعمالاً  
أخرى حتى نسعد بالفن الجميل .

د/ أحمد محمد عوين

كلية التربية بالعريش



ما أحلاكى يا عرايشية  
 حلاوتك مالها زى  
 أمّورة وعشريّة  
 ومهرك غالى ثسوى  
 لما ضيّك يلالى  
 يغيب قمر الليالى  
 ونجوم الليالى  
 ما بتشوفها عيني  
 تايه وبين رموشك  
 أدور عالحنان  
 غريق جوه عيونك  
 رسينى لبر أمان  
 ولا يكفى كل مالى  
 أه يأم التاج العالى  
 كحلّة لعينيكى وجنة لا يديكى يا صبية

فى هواكى يا ما غنوا لى  
الى عاشقين موالك  
فى جمالك ياما وصفوا لى  
شكوا لى ثقلك ودلالك  
ومهما قالولى هواكى غلاب  
كاسه يىروى الحلو عذاب  
أحلف بعمر فى حبك داب  
ما شفت قسوة فى طبع ملاك  
فى عينيكى شفت مـنايا  
ويا ما قالت لعـنيا  
هتلاقى هنالك معايا  
يا منسينى الأسـية  
يـلابينا تعالى  
بهواننا اللى مواعدنا  
بشوقنا اللى مصاحبنا نعيش أحلى حكاية



يلا ايديك فى ايديا	
نبنى عشنا	ونعيش أيا منا الجاية
بالفرح والهنا	واحنا نخلي السعادة
فى ظل حينا	تبقى دايما زيادة
بخفة نمنا	والدنيا تحلى بيـنا
أنا وانتى سـوا	ونروى احنا الجنينة
نزرعها بالمنى	



نور الدنيا



يا نور الدنيا أنتى  
ياماما يا حبيبتى  
عشائى يا ما سهرتى  
وخاصمتى النوم من أجلى  
عشائى يا ما تعبتى  
وفرتى يا حلوة راحتى  
يا نور الدنيا أنتى يا ماما يا حبيبى  
عيونى تنام وعيونك  
سهرانة طول الليل  
تسقينى حنان وعطفك  
يواسينى وقت الويل  
يا وهبانى الحنية

لو تطلبى عيني منى

أهديها وأنا متهنى

وأنا عمرى كله ملكك

وروحى تحت أمرك

وتكونى راضية عليا

يا نور الدنيا انتى يا ماما يا حبيبتى

أشوف ابتسامتك ليا

بتتور أيامى الجاية

ومهما أوفى يا ماما

عمرى ما أوفيكى حقك

وانتى غالية عليا

حكايتك يا ماما حكاية

بكتاب مذكورة الآية

توصينا عليك وصاية

بر الوالدين ده هداية

وأنا باقى ع الوصية

يا نور الدنيا انتى يا ماما يا حبيبتي



كهل الربيع فى مواعيده  
والدنيا اطلوت يوم عيده  
ومن زمان احنا نريده  
نستنى بشوق الله يعيده  
الله يبارك أيامه  
دى الرقة كلها ف أسغامه  
الروح دى بتشفى بأنسامه  
وحياتنا كلها ملك ايده  
قيدوا الشموع بقى يا أحبابه  
اليوم ده ميلاده وأعياده  
ادعوا له يزيد عُمر شبابه  
يهديكو عبيره وتغريده  
جاننا الربيع

الورد اشتاق محروم دبلان

تعالی یا ندی ارویه عطشان

یا ندی بحنان صحی النعسان

یرقص علی عوده زی زمان

فَتَحِّیْ یا زهور أشکال وألوان

سَافِرُ یا عبیر وفی کل مکان

یا شجر اخضرّ یا طیر ولهان

ناجی الألیف غرّد بحنان

هل الربیع افرح یا زمان

ما أحلى الورد علی خدوده

والنسمه دی بتشفی الحیران

وتجدد تانی لینا عهوده

جاننا الربیع



اتهنى يا قلب قبل ما يفنى الجمال  
بكره يا قلب بكره ينتهى المشوار  
ويعود شبابك بيكى على الأطلال  
ويدوب عمرك يا عمر فى ليل اعصار  
يلا يا احبة نقول للحب  
تعالى حبه وهنّى اللبيب  
ونحب مهما قالوا عالحب  
حرمان وناره تقيد به القلب  
دى حلاوة الحب فى تعذيبه  
وحلاوته فى دمه وتتهيده  
عاد الربيع وبأنغامه  
وأفئد الأحباب والكاس فى ايده  
جاننا الربيع

يا ربيع فحرك جاننا يغنى  
جايب الفرح معاه بيهنى  
يلا نرقص يلا نجرى  
يلا نظير فى الهوى ونغنى  
خليت يا ربيع للدنيا معانى  
هلّيت ومليتها عبير وأغانى  
هفت القلب بأحلى أمانى  
اسقيه يا ربيع حب وزيده  
جاننا الريع




أول نظرة

ايه خلانى أحبك  
من أول نظرة عين  
ولا كان على بالي حبك  
جيت لأيامي منين  
وأنا بحلم اني جنبك  
أحلامي خدّتي لفين  
خليتني اتهنى بفُربك  
وأقطف ورد الخدين  
أنا ذنبي بس أيه  
ترميني برمش عنيك  
وبهمس شفافك ليه  
تلعب بأشواقى اليك

هواك ساكن ف قلبى  
غار العشاق من حبنى  
ويارىتك كنت جنبى  
تتهنى بفرحة قلبى  
يا شفايف بين تفاحتين  
أنا اروح من عشقك فين  
طابت الفاكهة يا عاشقين  
والشوق زايد شوقين  
أنا ذنبى بس أليه  
ترمينى برمش عينيك  
ويهمس شفايفك ليه  
تلعب بأشواقى اليك

يا فائتتى ما بين شطين  
غريق فى بحور العين  
رَسِينى يا نِنِّى العين  
تايه ما عرفش أنا فين  
اوعدنى أنا كلى حنين  
مشتاق وبقالى سنين  
وأحلى قصة حبيبين هتعيش بهنا القلبين  
يا حبيبى .. ان بُعَدَكَ طَال يوم ولا اتنين  
وهجرت حاعيش طول عمرى حزين  
يا حبيبى .. ان جيت ألقاك بشوق وحنين  
فى احضاننا يدوب هجر القلبين  
أنا ذنبى بس أيسه  
ترمينى برمش عنيك  
وبهمس شفايفك ليه  
تلعب بأشواقى السيك



غاوي شقاوة

ليه يا أبو قلب قاسى  
بتشوفنى و تعمل ناسى  
تهجرنى و بعد أماسى  
بتجبنى مشتاق لحنائى  
تصالحنى وأسامحك تانى  
ترجع لعوايدك تانى  
تهدم كل الأمانى  
والحلم الأخضرانى  
حتبطل امتى أساوة  
ياللى انت غاوى شقاوة  
يعنى انت فاكرها شطارة  
وأنا قلبى مولع نار  
كده يا أبو قلب قاسى  
بتعلمنى الأساوة



بتغيب ليه عنى كثير  
وتجبنى بالأعذار  
تصافينى وتانى تغيب  
طبعك خلانى احترار  
أنا باقى لسه عليك  
أراضى واحايل فيك  
وقلبى ملك أيدك  
وانت بتعذب فيه  
لو عامل يعنى تقيل  
وفاكرنى عنك أميل  
مهما تتقل يا جميل  
انت بتزيد غلاوة  
كده يا أبو قلب قاسى  
بتعلمنى الأساوة

برضيكو يعاند فيّا

شمت عذالى برّيا

علشان بيهنش عليا

أعامله يوم بأساوة

لكن حتقل عليه

وأشوف دموع عينيه

وهيه بتترجاني

والتوبة مالية عينيه

حبيبي يصعب عليا

أشوفه حيران شوية

ميهونش حاله عليا

أرجع أعطف عليه

وأرضى بالأساوة علشان خاطر عينيه

كده يا أبو قلب قاسى

بتعلمنى الأساوة

لولا بتلعب بالحب



يا اللى بتلعب بالحب  
وغرام العاشقين  
فاكر ح يدق القلب  
وتفوتنا مجروحين  
يا حلو مش علينا  
حركات الثقلانين  
ياما شفنا ما شغلوا عنينا  
كثير زيك حلوين  
أبدا رمشك ما سحرنا  
ولا فاتنا مجروحين  
لولا بتلعب بالحب  
يهواك العاشقين

جای رایح لیه قدامنا  
وبضحك هواك تشاغلنا  
وعینک قالت لعینا  
سلامات یا أعز احبابنا  
ولما تمیل تکلـمنا  
بتفوتنا وبتحرمنا  
قصـدک تلعب بخیالنا  
وفاکرنا ندوب حنین  
أبدا رمشک ما سحرنا  
ولا فانتا مجرودین  
لولا بتلعب بالحـب  
یهواک العاشـقین

كثير قبلك ياما حاولوا  
يشغلوا قلبنا بهواهم  
ولا نالهم الا عذابهم  
فى يوم ما الشوق نداهم  
لا سألنا مرة عنهم  
ونسينا ما شقنا منهم  
واللى كنا فى بالهم  
فتناهم حيرانين  
أبدا رمشك ما سحرنا  
ولا فاتنا مجروحين  
لولا بتلعب بالحب  
يهواك العاشقين

تلا قينا وتلاغيــــنا  
والشوق باين في عينيك  
تهدف مندياك ليــــنا  
وتشاور ليه بايديك  
فاكر نجرى تناديــــك  
حاضنين بالشوق مندياك  
تعدل لما نجيــــياك  
وتسيبنا هيمانــــين  
أبدا رمشك ما سحرنا  
ولا فائتنا مجروحــــين  
لولا بتلعب بالحب  
يهواك العاشقيــــن





يا مالك الفؤاد

اعطف على منتاق

علمته السهاد

يهدى لك الأشواق

يا مالك الفؤاد

أو تعلم انى أحبك  
والهوى قدر  
والأغى فيك قلبا  
كأنه تحجر  
هل طبعك يعنى هذا  
أم أن زمانى غرّك  
هل ترك لقلبي شيئا  
أم أن حنانك هجرك  
كن كما ترى عينيك  
وعش كما يحلو اليك  
ولا تطلّ عنى البعاد  
ولا تُردّ طبع العناد  
يا مالك الفؤاد

بعدك عنى يضنننى  
ورحيلك هذا يشقننى  
بل هُمْتُ بِحُبِّ يسقننى  
سهدا و الشوق ينادننى  
فلم الأيام نصيغها  
بيديننا نسلّم للقدر  
ونقول رواتنا ذى العبرا  
زمننا و القلب قد انفطر  
كن كما ترى عينيك  
و عش كما يحلو اليك  
ولا تُطِلْ عنى البُعَاد  
ولا تُرِدْ طبع العناد  
يا مالِك الفؤاد



سافر يا حبيبي لنفس المكان  
هو حن لنا ووحشنا كمان  
سافر يا حبيبي اسبق الزمان  
اسبق هواك لنبيع الحسنان  
أنا لك مسافر وقلبي ولهان  
يلا زَيِّ سافر لشط الأمان  
الدنيا ما تساويش لحظة م الحرمان  
والحياة ما تفيدش بالعذاب كمان  
سافر يا حبيبي  
يا شوق كاويني سافر داويني  
اسبقني يلا قوام يا حبيبي  
اوعى تخليني استنى يا عيني  
تسييني لعواصف تعذيبى

تمرجح فى ظنوني وتقيد حنيني

- وتزيد لهيبي ومين يواسيني
- وأقاسي لو مرة تجافيني
- وبحرماني منك ترويني
- لا تدوب قلبي بتتهدي
- لا تخلي ألم الجرح نصيبي
- بلا تعال قوام اشفيني
- واتهنى بيا وببك هنيني
- ارجع يا حبيبي لأيامنا سوا
- واحلامنا اللي حلمناها سوا
- واتذكر يا حبيبي غرامنا سوا
- وأمانينا اللي رسمناها سوا

شاهد قمرنا يا حلو علينا  
ياما على ضيّه اتمنينا  
ياما رقصنا وياما غنينا  
وملينا الجو بحكاويننا  
والنسيم رَقَّ وطاب لنا  
وياما الطير غَرَّدَ أغانينا  
والفرحة اللي في عنينا  
خلتتا بأشواقنا نطير  
وهنانا اللي بقلوبنا  
ياما فاح منه العبير  
شايقين الكون بينا جديد  
والدنيا دي بينا في عيد  
وهوانا ده بينا سعيد  
فاكر يا حبي الوحيد

النهاردة ليه بكل المواعيد  
ليه خلّيتنى بفكرى شـريد  
قربنا للروح تملّى يعـيد  
ليها الحياه آه من جـديد  
وقلبي ليك دايمًا عطشان  
كل ما ترويه يرجع ظمآن  
أنا لك مسافر وقلبي ولهان  
يلا زى سافر لشط الأمان  
سافر يا حبيبى  
حبنا ياما سهر ليالينا  
ياما بالهنى شهده ساقينا  
ياما خدنا ومرجح فينا  
وهوانا طوح لبعيد خطاونا  
ولا كنا حاسين تلاقينا  
بالكون ده اللى حوالينا



وخذنا الشوق لحظة صفا  
بهني قلبنا ويا عندنا  
وطار بينا بجناح الوفا  
بفرحتنا سوا ببعضنا  
ونقام نشوان على صدرى  
هايم ويا دقات قلبى  
وف حضن ايدىك تحلم بى  
سارح وتفوق على لحنى  
وتبصر ف عينى يزيد وجدى  
وتصحى الحنية فى قلبى  
تروينى شفايفك تسحرنى  
وبهمسك ليا تشوقنى  
وتقوللى فين كنت يا غالى  
ده علم ولا حلم بخيالى

لو بحلم أملى حلمى يطول  
وأفضل بيك أحلم على طول  
شفتك يا روحى وكلى أمانى  
آخذنى على مهرى الأبيض  
وقمرى مَلَأْ لِيْ وَلَوْنِ فستانى  
والطرحه م الورد الأبيض  
والشمع منور ع الجنبيين  
والجو معطر بالرياحين  
والورد ينفُتَحْ ويزيد  
ببرقص والأطيار تغريد  
شافين الكون بينا جديد  
والدنيا دى بينا ف عيد  
وهوانا ده بينا سعيد  
فاكر يا حبى الوحيد

النهاردة ليه بكل المواعيد

ليه خليتتى بفكرى شريد

قربنا للروح تملى يعيد

ليها الحياة آه من جديد



وقلبي ليك دائما عطشان

كل ما ترويه يرجع ظمان

أنا لك مسافر وقلبي ولهان

يلا زى سافر لشط الأمان

سافر يا حبيبي



خلوني أعشق

آه خلونى أعشق خلونى  
آه شغلونى وحياة عيونى  
شوقنى الحب لأفراحه  
ووحشنى الشوق وجراحه  
يلا يا زمان خذنى للحب  
ازرع فى قلبى بذور الحب  
عايز أملا الدنيا حب  
واخلى كل الناس تحب  
اوعى يا زمان يوم تتسانا  
هتينا وفرحنا أمانة  
م الحب شوية اسقونى  
دى الروح تهواه بِلونى  
قلبى المغرم وعيونى  
خدوهم ليه وخذونى  
آه خلونى اعشق خلونى

يا شجر اخضرّ تانى

غنى يا طير موالى

واسهر يا قمر لىالى

وبطيفك نادى أمالى

يا ندى فتح لى زهورى

صحى النعسانة ورودى

هَلّ يا فجر تَعَالَى

هات لى وياك بدورى

بدر ينور لى شبابى

يسعدنى يهنى قلبى

وَحَلّى صباحى نادى

يشرق يومها ميلادى

تعال يا ربيع يلا بالحب

واملا الدنيا بأنسائك

خلى حياتنا كلها حب

يلا اروينا من كاسك

م الحب شوية اسقوني

دى الروح تهواه دلونى

قلبي المغرم وعيوني

خدوهم ليه وخدوني

آه خلونى أعشق خلونى

توهنا يا شوق فى غرامنا

واملا بالفرح أيامنا

مرجحنا يا شوق بأحلامنا

اوعى تصحينا تألمنا

خلينا نحلم بالجنة

خلينا بالهوى نتنهى

ياماسهرنا ليالى

بدمع العين اغالى

و موج البحر ده عالی  
 یا ما تَوَهَّنَا لیالی  
 یا نجوم یرضیکی حالی  
 الصبر ده کان موالی  
 یا ما قابلت عیون یا عیونی  
 تسحر وفيها تیان الأشواق  
 و کنت عنها أدارى عیونی  
 علشان ما اصبحشی من العشاق  
 لكن النهارده فتنونی ازای سحرونی  
 معرفش ازای  
 و أنا قلبی خالی یا ظنونی ازای شغلونی  
 معرفش ازای



ياما غلبوني آه ياما حيروني آه

سهروني آه .. آه

ياما دوبوني آه ياما توهوني آه

شوقوني آه .. آه

م الحب شويه اسقوني

دى الروح تهواه دلوني

قلبي المغرم وعيوني

خدوهم ليه وخدوني

آه خلوني أعشق خلوني



مين يا قلبي

اللى يقدر على حبى يوم ما حيشغل قلبى

ويسحرنى بعينيه

أَوْهَبْ لَهُ رُوحى وَعَمْرِى وَأَخْلُ عَيْنِىَا وَقَلْبِى

هَدِيَّة مَلِك أَيْدِيهِ

قَوْلِى يَا قَلْبِى مِـيـن

اللى بِيَدِهِ مِفْتَاحُكَ

وَيَكُونُ عَلَيْكَ أَمِـيـن

يَسْعِدُ مَسَاكَ وَدَسْبَاحُكَ

مَنِين تَعْرِفْ نَصِيْبِكَ

وَمِـيـن يَبْقَى حُبِّـيْـكَ

حُبِّيْبِكَ مِـيـن يَا قَلْبِى

اللى يَقْدِرُ عَلَى حُبِى

تَعْرِفْ يَا قَلْبِى مِـيـن


اللى بِيَدِهِ مِفْتَاحُكَ

الحب يا ناس فى القلب احساس  
ومنه الكاس ييخلى الناس  
سهرانيين .. هيمانين .. تملئ سكارى  
مجروحين .. متشوقين .. ييكوا الحنين  
سرحانيين .. متلوعين .. تملئ حيارى  
مظلومين .. متعذبين .. يشكوا المين  
عاشقين بالحب ومشغولين  
وعطشانيين ومجروحين  
وبالامل آدى حياة المغرمين  
الفرح يومين والجرح سنين  
وأنا دقت الكاس وزى الناس  
روانى الكاس خمره الميَّاس  
خلانى أتوه من الحنين  
وانت يا قلبى لمين أسير

آه ياويلى من الانسين  
أنا لعبة شوق لوعزى كثير  
وقلبي فاض روى العيون  
غرق لى جنات الخدود  
يشكى الناي من الظنون  
ومن البكا دبلان العود  
قبلة حياة للشفايف تسهون  
وبسمة تفتح ضحكة تعود  
أعطف يا ندى الورد حنون  
امتى يا ربيع تحيى لى العود  
تعرف يا قلبى مين  
اللى بيده مفتاحك  
سنسين عمرى أدور  
فى عيون حواليا كثير

فى هواهم قلبى اتحير  
وقلوب فى هوايا بتطير  
وعيونى مسافرة معاك  
نشوانه يا قلبى رضاك  
فين ماتروح وبالك  
بتدور على اللى هواك  
فى كل بسمه .. فى كل ضحكة .. مع كل وردة  
سرحانة .. وشدو البلابل  
ورقص الشجر  
فى كل نظرة .. فى كل همسة .. مع كل نجمة  
سهرانه .. وسكون الليل  
وضى القمر  
بحر الهوا غلبنى أنا ياريت يا موجه ترسينى  
على بر بيه أحلامى أنا

بنحلم سوا قلبى وانا واللى نصيبه يهنى  
هدية ليه قلبى وأنا  
نفسى ومنى عينى أشوفك  
يا شاغلنى بكالك سنين  
اعطف وتعالى مش تاق لك  
يا واحشنى ح أقابلك فى  
يهون عليك حيرتى وسهذى  
ومعاك هنايا انت فرحى  
ياللى هواك طاب لقلبى  
تعالى قوام اشقى لى جرحى  
ونسينى عذابى اللى طال للقاءك  
ونسينى عتابى للى هواك  
تعرف يا قلبى مين  
اللى بيده مفتاحك



أهلا سينا



جِنَالِكُ وَاالله يا سـيـنا

• هزينا الكون حـالـينا

• بايمان وعزيمة عَدِينا

بشهادة مكتوبة علينا

وسلاحنا صاحى بايدينا

ومدافع تحصد في الشر

وصبرنا ونلنا أمانينا

ورفعنا رايات النصر

وبسم الله انتـصرنا

جِنَالِكُ وَاالله يا سـيـنا

الكل كان طامع فيكى  
ورب العرش حاميكى  
فخر ودلال يكفـيكى  
أحبة عاشوا بأراضيكى  
وعيسى دعا للخير فيكى  
وموسى المناجى بواديكى  
وجبل الطور يشهد ليكى  
واسلام مصر بدأ بيكى  
يا سعد اللى عايش فيكى  
بوركتى يا عظيمة  
لمصرنا ولـينا  
وعيشى يا سينا  
منارة تهدينا  
جينا لك والله يا سينا

جينا بالفرحة فى عنينا  
وترايك ده غالى علينا  
جينا نسايق أمانينا  
وبنينا مصانع بايدنا  
خلينا الصحرا بأحضانتك  
أجمل بسوتان  
وفرشنا خضرة على أرضك  
وفى كل مكان  
والطير بيغنى لهواك  
أعذب ألحان  
بعرقنا نخلّ المستقبل  
ده سلام وأمان  
جينا لك والله يا سينا



غالية يا فلسطين



فدائيين يا فلسطين فدائيين  
فدائيين كل وقت وكل حين  
نحلف لك مليون يمين  
واحنا على عهدك باقيين  
راجعينك يا بلادي راجعين  
ويا قدس احنا مش نأسيين  
دبحوا البراءة فى دير ياسين  
وشاتيلا وصبرا شاهدين  
والله لنجيباك مَهْرِك  
يا بنت وطننا العربى  
لو حتى سحاب على أرضك  
نجمع هولاك يا بلدى  
يا بلدى يا فلسطين

حنعیش حیاتنا ازای

نتهنی بیـــــها ازای

واحنأ عن بعض بعيد

بنقاسی من الحنین

اشمقنا للرجوع

یا أرضی یا فلسطین

مش حنسکت أبدا مش حنسیبک کده

والعالم کله شاهد انک ملکنا

وحبک ده فی قلوبنا مخلوط بدمنا

وبنهدیک ارواحنا نفدیک یا أرضنا

وتعودی یا فلســـــطین

شوفوا النجوم بتلالي  
في سماها من الحنين  
وفي العلالى تنادى  
باسمك يا فلسطين  
وكل نجم يطوف في  
هين نور ملايين  
ملايين في المهد يصبحوا  
ان احنا الفدائيين  
أنا مولود وسلاحى  
وحاضنه بين أيديا  
شبل فدائي وصاحى  
وأصون عهد الحرية  
قلبي مولع وكفاحى  
هز الدنيا حواليا  
يا غالية يا فلسطين

وبَدَمَ الفدائين

راجعينك يا فلسطين

بحجر ندافع

رغم المدافع

نضال ونافع

مش خافين

وحنفدى بالأرواح

ونواصل الكفاح


والتمن مهما كان

دا القلب ماعاد نواح

على دم شهيد فواح

فداكى يا فلسطين





بستان العربنة

بستان العروبة سوريا ولبنان  
النصر يا الشهادة وتعيشي يا أوطان  
وتشهد العروبة لنا بكل ميدان  
راجعة يا جولان وكمال جنوب لبنان  
من التتار لازم نحرر كل أرضنا  
ونخلي الضلمة دي نهار بنضالنا  
يا بلاد الأحرار يا بارود الثوار  
خلوا ليها نهار  
اشعلوها نار في بيوت الغدار  
وخلوها دمار  
اسقوهم مزار دائما باستمرار  
دمروا التتار  
ولتحيا العروبة ويرجع الأمان

يا مرج الزهور يا اقليم التفاح  
يا مزارع شبع يا أهل الكفاح  
وياكم احنا والاتحاد سلاح  
ندبح بيه تملي المجرم والسفاح  
للفدا دايماً وياكم يا أبطال  
نكسر الباب نهذ السور مع الحيطان  
يا سواعد أمة أبية مفيش محال  
داعدوكم صهيوني دا خاين وجبان  
ابن الصهاينة هو عدونا المبين  
علوا قوام رايتنا علوها يا مسلمين  
ابن الصهاينة ماله عهد وماله دين  
وكل أهدافه يمحي من قلوبا الدين

والحق دا في ايـد الصغار قُوَّة لينا  
واللي فـدوا وطنهم دول كبار بعيونا  
من التتار لازم نحرر كل أرضنا  
ونخلي الضلمة دي نهار بنضالنا  
يا أرض الجناين مشتاق لكوا زمان  
يا أحلي المداين يا ورود البستان  
ويا قمر العلالـي يا منوّر بالأمان  
يا بدر وبيلالـي يا سوريا ولبنان  
يا طيري اللي طاير وَصِّلني للحبايب  
سوريا ولبنان  
أنا قلبي والله حاير طول وأنا غايب  
عن قل وريحان  
يا حتة مني ومن قلبي يا حضن الجولان  
وحيايـي انت كياني انت يا جنوب لبنان

سوريا ولبنان نفديكم بأرواحنا والدم  
كلنا وياكم يا اخوة بنشيل مع بعض الهم  
أي جراح بتصيبنا قوام كده بتتلم  
إلا اغتصاب أرضنا دي جراحها ما تتلم  
قيدوا النار لأهل النار ما عليكم لوم  
خلو عيونهم ساهرة تبات ماتدوق النوم  
واحنا بالمرصاد ليهم بكرهو بعده واليوم  
علشان نطفئ نارنا اللي بقلوبنا يوم  
والحق دا في ايدي الصغار قوة لنا  
واللي فـدوا وطنهم دول كبار بعيونا  
من التتار لازم نحرر كل أرضنا  
ونخلي الضلمة دي نهار بنضالنا

## خاتمة

- الغناء روح الأمم ، وغذاء عقلها ، وهو الواحة
- الممتدة التي نترك عندها أوجاعنا وألمنا .
- فالغناء شجن العصور ، وقيثارة البوح ،
- وموسيقا الحياة ، وهو فوق كل ذلك يرتفع
- بالإنسان إلى آفاق أكثر رحابة واتساعاً ، فهو
- يأخذه من حال إلى حال ليغير أحوالاً ، إذ
- يضيف على الإنسان بهجة وروعة وإجلالاً ،
- فينقله من الحاضر إلى الماضي ، ويستشرف به
- آفاق المستقبل الحالم .
- وأود أن أسأل : كم أغنية سمعناها ، وأخذت
- بألبابنا وأذهاننا وسارت مع اكسير العقل فعدت
- سحراً يَضُوع ليظلل كل دوحة داخل أروقة

الوجدان ؟! وكم من أغنية رفضها العقل  
ورفضتها الروح ، وابتعدت عنها الأذان  
وأقفلت في وجوها كل مسامع بشرية ؟!  
ورغم كل ذلك فقد يعجب بهذه الأغنية مثلت أو  
آلاف أو ملايين وتستهويهم ، فتتعجب لذلك  
الاستحسان الذى تراه أنت يحافى الذوق العام .  
إذن فمجال الأغنية متسع لكل الأفكار ، وعلينا  
أن نختار ما يروقنا ويطربنا ويجعلنا فى سعادة  
وهناء .  
واليوم فى زمن هبوط مستوى الأغنية ، رأيت  
أنه من واجبي أن أزيع الستار عما وصل اليه  
حال الأغنية وذلك فى محاولة منى لعودة زمن  
الغناء الجميل !!

- وفى النهاية فإن المستمع هو الوحيد الذي لديه
- الحكم ، وهذه النتيجة تعكس الذوق العام
- للمجتمع ككل . وإلى لقاء ...

**عصام ذكرى**

**عضو جمعية المسرحيين**

**بالثقافة الجماهيرية**



### صدر للشاعر :

\*\*\*\*\*

- \* أنا والحب دار الشوربجي للطباعة الطبعة الأولى ١٩٨٩
- \* أنا والحب مطبعة الفارس العربي الطبعة الثانية ٢٠٠١م
- \* أنت المنى مطبعة الفارس العربي الطبعة الأولى ٢٠٠١م
- \* بستان العشق مطبعة الفارس العربي الطبعة الأولى ٢٠٠١م

• • • •

### تحت الطبع :

\*\*\*\*\*

• عيون العاشق

• لهيب الشوق

• همسة حب

**الغلاف والرسوم الداخلية :**

\*\*\*\*\*

أ / أحمد العيسوي أ / عصام ذكري

أ / نهلة صابر أ / منار صابر

• • • •

**الايخراج الفني : عصام صابر**

\*\*\*\*\*

مصر - شمال سيناء - العريش

كرم أبو نجيلة ٢٩ ش الشهيد حافظ نجيلة

أمام مديرية الشؤون الاجتماعية

ت : ٣٦٣٠٩٢

## فهرس

رقم الصفحة	الموضوع	م
٥	إهداء .....	١
٧	بداية .....	٢
٩	المقدمه .....	٣
١٤	ما احلاكي يا عرايشية .....	٤
١٨	نور الدنيا .....	٥
٢٢	جانا الربيع .....	٦
٢٧	أول نظرة .....	٧
٣١	غاوى شقاوة .....	٨
٣٥	لولا بتلعب بالحب .....	٩
٤٠	يا مالك الفواد .....	١٠

فهرس

م	الموضوع	رقم الصفحة
١١	سافر يا حبيبي .....	٤٤
١٢	خلوني أعشق .....	٥٢
١٣	مين يا قلبي .....	٥٨
١٤	أهلاً سيناً .....	٦٤
١٥	غاليه يا فلسطين .....	٦٨
١٦	بستان العروبة .....	٧٣
١٧	الخاتمه .....	٧٨
١٨	فهرس .....	٨٣

أنا والحب

٢٠٠٠/٨١٤٥	رقم الإيداع
I.S.B.N	الترقيم الدولي

حقوق الطبع محفوظة

